

LAMPIRAN PENYATAAN PRODUK untuk Kemalangan Peribadi TravelCare

NOTA PENTING: Sila baca Lampiran Penyataan Produk ini sebelum anda membuat keputusan untuk mengambil Kemalangan Diri TravelCare ini. Pastikan anda juga membaca dengan terperinci terma-terma dan syarat-syarat amnya.

1. Apakah perincian produk ini?

Produk ini akan membayar pampasan kepada anda untuk kecederaan tubuh badan yang disebabkan kemalangan, menyebabkan hilang upaya pada diri anda atau jika berlaku kematian, kepada waris yang telah dinamakan atau wakil peribadi anda yang sah.

2. Apakah perlindungan / manfaat yang disediakan?

Produk ini meliputi:

Manfaat A	Kematian
Manfaat B	Hilang Upaya Kekal
Manfaat C	Hilang Upaya Kekal Sementara

Nota: Sila rujuk skala manfaat bagi kematian dan hilang upaya di dalam contoh kontrak polisi.

Polisi ini membenarkan anda untuk memilih tempoh insurans yang diperlukan mengikut keperluan anda. Anda disyorkan untuk mengambil polisi tahunan jika tempoh insurans melebihi 6 bulan.

Had persempadanan adalah di seluruh dunia.

3. Berapakah jumlah premium yang harus saya bayar?

Jumlah premium yang harus anda bayar mungkin berbeza-beza mengikut keperluan pengunderaitan kami.

Tempoh perlindungan	:	<u> </u> Hari/Bulan
Jumlah premium yang harus anda bayar ialah	:	<u> </u> RM

4. Apakah jumlah yuran dan caj-caj yang perlu saya bayar?

- Duti Setem RM10.00 untuk mengesahkan kontrak
- Komisen ejen sebanyak 25% adalah termasuk di dalam polisi anda apabila melibatkan seorang pengantara

5. Apakah terma dan syarat-syarat utama yang harus saya ketahui?

Had Umur

- 1 tahun hingga 70 tahun.

Kepentingan membuat Pendedahan

- Anda perlu mendedahkan kesemua fakta material seperti pekerjaan dan matlamat peribadi anda yang boleh mempengaruhi pertimbangan pengunderaitan kami. Anda juga perlu melaporkan kepada kami bilangan polisi kemalangan peribadi dan jumlah insurans yang telah anda perolehi daripada syarikat-syarikat insurans lain.
- Anda perlu mendedahkan kesemua fakta material yang anda ketahui atau perlu ketahui; atau polisi anda boleh menjadi tidak sah.

Pampasan / Gantirugi

- Kami akan membayar pampasan ke atas kematian atau kecederaan (Hilang Upaya Kekal) berdasarkan "Jadual Manfaat" yang dilampirkan bersama polisi. Walau bagaimana pun, untuk tuntutan seperti perbelanjaan perubatan, anda akan diberi pampasan melalui bayaran balik berdasarkan jumlah sebenar yang terlibat tertakluk kepada had yang ditetapkan di dalam polisi. Anda tidak boleh membuat tuntutan berganda untuk perbelanjaan perubatan.

Penamaan / Pembahagian

- Anda dinasihatkan untuk menamakan seorang waris dan memastikan yang pewaris tersebut menyedari tentang polisi yang telah anda beli.

Tunai Sebelum Perlindungan

- Adalah menjadi asas dan syarat mutlak khas insurans ini bahawa premium perlu dibayar dan diterima kami sebelum perlindungan bermula. Polisi insurans ini akan menjadi batal dan tidak sah secara serta-merta jika syarat ini tidak dipatuhi.

Nota: Senarai ini tidak menyeluruh. Sila rujuk contoh kontrak polisi untuk terma dan syarat-syarat di bawah polisi ini.

6. Apakah merupakan pengecualian utama di bawah polisi ini?

Polisi ini tidak melindungi kematian atau kecederaan yang disebabkan oleh atau akibat daripada:

- Peperangan dan risiko bersekutu
- Bunuh diri (sama ada waras atau tidak) atau sebarang percubaan sepeertiya
- AIDS
- Bersalin, keguguran, kehamilan atau apa-apa komplikasi daripada itu
- Ketika mengembara dalam kapal terbang atau kapal laut sebagai anak kapal/kelasi
- Perlakuan jenayah
- Sebarang jenis aktiviti sukan profesional
- Kemalangan radioaktif dan senjata bahan nuklear
- Ancaman keganasan
- Kecacatan atau kelemahan fizikal atau mental, kesakitan, penyakit, jangkitan yang sedia wujud

Nota: Senarai ini tidak menyeluruh. Sila rujuk contoh kontrak polisi untuk senarai penuh pengecualian di bawah polisi ini.

7. Bolehkah saya membatalkan polisi saya?

Anda boleh membatalkan polisi anda dengan memberikan notis bertulis kepada kami. Sebaik pembatalan, anda akan menerima pulangan bayaran premium berdasarkan kadar tempoh pendek* selama mana tempoh polisi telah berkuatkuasa. Sebarang nilai premium minimum yang dibayar di bawah polisi ini tidak akan dipulangkan. Tiada premium akan dikembalikan jika terdapat tuntutan yang pernah dibuat di bawah polisi ini.

***Jadual Kadar Tempoh Pendek**

Tempoh tidak melebihi	Premium Tahunan Yang Dikembalikan
1 bulan	80%
2 bulan	70%
3 bulan	60%
4 bulan	50%
5 bulan	40%
6 bulan	30%
7 bulan	25%
8 bulan	20%
9 bulan	15%
10 bulan	10%
11 bulan	5%
Tempoh melebihi 11 bulan	Tiada pulangan bayaran

Nota : Jika perlindungan adalah untuk perjalanan tunggal, anda tidak boleh membatalkan polisi setelah perlindungan bermula.

8. Apakah yang perlu saya lakukan jika berlaku perubahan kepada maklumat terperinci saya?

Adalah penting untuk anda memaklumkan kepada kami sebarang perubahan kepada maklumat terperinci anda (termasuk penama dan/atau waris) bagi memastikan yang kesemua surat-menyurat sampai kepada anda tepat pada waktunya.

9. Di manakah boleh saya mendapatkan maklumat lanjut?

Jika anda memerlukan maklumat tambahan mengenai insurans Kemalangan Peribadi, sila rujuk buku panduan infoinsurans yang boleh didapati di semua cawangan kami. Anda juga boleh mendapatkan salinan buku tersebut daripada ejen insurans yang berkenaan atau layari www.insuranceinfo.com.my.

AmG Insurance Berhad
Tingkat 9, Bangunan AmAssurance,
No.1 Jalan Lumut, 50400 Kuala Lumpur, Malaysia

Pusat Perkhidmatan Pelanggan
Tingkat Bawah, Bangunan AmAssurance
No.1 Jalan Lumut, 50400 Kuala Lumpur.
Tel: 1 300 80 3030 Faks: (603) 21713030
E-Mel: amassurance-general@ambankgroup.com
Laman web: <https://www.amassurance.com.my>

10. Adakah jenis perlindungan Kemalangan Peribadi lain yang serupa di pasaran?

Sila rujuk cawangan kami yang berdekatan anda serta ejen-ejen untuk maklumat lanjut.

NOTA PENTING:

ANDA HARUS BERPUAS HATI YANG POLISI INI AKAN MEMENUHI KEPERLUAN ANDA SEBAIK MUNGKIN. ANDA SEPATUTNYA MEMBACA DAN MEMAHAMI POLISI INSURANS INI DAN BERBINCANG DENGAN EJEN ANDA ATAU MENGHUBUNGI TERUS SYARIKAT INSURANS UNTUK MAKLUMAT LANJUT.